

Položaj nastave historije u gimnazijama Kantona Sarajevo

Prema kantonalnom planu i programu koji se u gimnazijama Kantona Sarajevo primjenjuje od školske 1999/2000. godine nastava historije je zastupljena sa dva časa sedmično u prvom i drugom razredu. U trećem i četvrtom razredu gimnazije historija je kao nastavni predmet zastupljena samo u društvenom izbornom području sa tri časa sedmično. Pošto se u sarajevskim gimnazijama pored društvenog učenici mogu izjasniti za prirodno, jezičko ili matematičko-informatičko izorno područje većina učenika u trećem i četvrtom razredu ne sluša nastavu historije.

Za razliku od historije i drugih predmeta koji se nalaze u sličnoj poziciji (geografija, fizika, hemija i biologija) neki predmeti kao što su bosanski jezik i književnost, matematika, prvi i drugi strani jezik zastupljeni su u nastavi sve četiri godine i u svim izbornim područjima. Tako je npr. matematika u prvom i drugom razredu gimnazije zastupljena sa četiri časa sedmično, a u trećem i četvrtom razredu sa po tri časa sedmično osim u matematičko-informatičkom izbornom područje gdje učenici u trećem i četvrtom razredu imaju pet časova matematike sedmično (vidi priloženu tabelu).

S obzirom da se smanjivanje broja časova historije dešava i u osnovnim i u srednjim stručnim školama jasno je da položaj i budućnost nastave i nastavnika historije nisu nimalo svijetli. Vjerovatno će i interes mladih ljudi za studij historije u narednim godinama biti manji, jer većina mladih ljudi želi da studira fakultete koji će im omogućiti egzistenciju i zapošljavanje što je sa historijom sve manje slučaj.

Krivicu za ovakvo stanje snosimo prije svega mi historičari, jer je postojeći plan i program u Kantonu Sarajevo na snazi već punih dvanaest godina, a da, osim pojedinačnih pokušaja, do sada nismo uspjeli da ozbiljnije ukažemo na ovaj problem, a kamoli da ga riješimo.

Veliki problem za profesore, a posebno za učenike i njihove roditelje je upotreba tri udžbenika historije u prvom razredu gimnazije. Na početku školske godine učenici i njihovi roditelji su prinuđeni da kupe udžbenike za prvi, drugi i treći razred. S obzirom da je ista situacija sa još nekim predmetima jasno je da su roditelji gimnazijalaca na početku prvog razreda izloženi velikom materijalnom trošku kako bi obezbijedili svojoj djeci sve udžbenike koji su im potrebni. Profesori su onda

dovedeni u neugodnu poziciju da objašnjavaju učenicima i roditeljima da upotreba tri udžbenika historije u prvom razredu nije nikakva samovoljna odluka profesora već nedostatak udžbenika koji bi bio napisan po kantonalnom planu i programu.

Što se tiče stručnog usavršavanja nastavnika ekonomska kriza je i tu ostavila negativne posljedice. Za razliku od prethodnih godina kada je PPZ Kantona Sarajevo organizovao trodnevne seminare na kojima su nastavnici i profesori historije imali priliku da čuju nekoliko interesantnih predavanja stručnjaka iz različitih oblasti, u zadnje tri godine, zbog smanjenja novčanih sredstava, seminari se ne održavaju već se dva puta godišnje održavaju sastanci stručnih aktiva.

NASTAVNI PLAN ZA GIMNAZIJU KANTONA SARAJEVO

R. br.	NAZIV NASTAVNOG PREDMETA	Zajedničko za sva izborna područja		IZBORNO PODRUČJE III i IV RAZRED													
				JEZIČKO		DRUŠTVE-NO		PRIROD-NO		MATEM. INFOR-MAT.		ADMINI-STRATIV-NO		SPORTSKO		PEDAGOŠ-KO-PSIHO-LOŠKO	
		I	II	III	IV	III	IV	III	IV	III	IV	III	IV	III	IV	III	IV
	A –JEZIČKO PODRUČJE																
1.	Bosanski /hrvatski /srpski jezik i književnost	4	4	5	5	3	3	3	3	3	3	3	3	3	3	3	3
2.	Prvi strani jezik	3	3	4	4	3	3	3	3	3	3	3	3	3	3	3	3
3.	Drugi strani jezik	2	2	4	4	2	2	2	2	2	2	2	2	2	2	2	2
4.	Treći strani jezik			2	4												
5.	Latinski jezik			2	1	2	1	2	1	2	1	2	1	2	1	2	1
	B-DRUŠTVENO PODRUČJE																
6.	Historija /Povijest“	2	2			3	3										
7.	Geografija /Zemljopis“	2	2			3	3										
8.	Sociologija			2		3	3	2		2		2		2		2	
9.	Psihologija			2		2		2		2		2		2		““6	““2
10.	Pedagogija															““2	““6
11.	Filozofija sa logikom				3		3		3		3		3		3		3
12.	Obrazov za demokratiju i ljudska prava			2		2		2		2		2		2		2	
13.	Uredsko poslovanje											3		3			
14.	Statistika																
15.	Ekonomija											2		2			
16.	Pravo											2		2			
	C-PRIRODNO PODRUČJE																
17.	Matematika	4	4	3	3	3	3	3	3	5	5	3	3	3	3	3	3
18.	Fizika	2	2					3	3	3	3						

